

POSIBLES IDEAS PARA UNHA HOMILÍA CON NENOS 04 febreiro 2018

Todo o mundo te BUSCA... e ti BUSCAS a todo o mundo.

1. VER: A vida, un ir e vir

-Andamos na vida dun lado para outro, indo e vindo. Pensa as cousas que fas ao longo do día e o que pretendes conseguir. Se nos paramos a pensar todos buscamos algo: aprobar o curso, aprender a realizar algo, mellorar a familia, ser felices. Hai cousas que non conseguimos, ás veces xórdenos a enfermidade ou a falta de medios...

Que fas ao longo do día? Que tratas de conseguir?

2. XULGAR: Xesús busca a todo o mundo

- No evanxeo deste domingo S. Marcos cóntanos **un día na vida de Xesús** dedicándoo a curar enfermos: ***“achegouse á sogra de Simón que estaba con febre, colleuna da man e levantouna”***. ***“Todo o mundo te busca”***, dinlle; e el ***“Curou a moitos enfermos de diversos males”***. Tamén tivo tempo para orar.

+ QUE NOS QUERE DICIR XESÚS?

- Xesús vai e vén, visita e cura.** Coñece as necesidades e arelas da xente. ***Sábese o médico de tantas enfermidades:*** *cura aos paralíticos, cegos, posuídos polo mal. *sanda os corazóns dos tristes. *perdoa os pecados. *libera da marxinação a mulleres, pobres, leprosos.
- Xesús fáisenos próximo,** como á sogra de Simón, cólleenos da man e axúdanos a levantar e a recobrar a dignidade.
- Xesús regálanos as medicinas** que nos curan: a oración, o perdón, a eucaristía de cada domingo e o amor (que nunca che falten esas 4).
- Xesús pon o seu corazón no corazón do mundo.** Nesa África castigada, que pasa fame, que sofre violencia, como a República D. do Congo. El pon o seu corazón a un mundo onde se nos esqueceu que o importante é AMAR. El, co seu enorme Corazón, poñeranos na súa órbita. Xa o veredes!

Déixaste encontrar por Xesús? Que che pode dar?

3. ACTUAR: Sae a buscar Xesús.

- Busca a Xesús na oración e dille para que o necesitas.
- Facemos unha tarxeta a modo de “A túa parroquia está contigo” ou “Rezamos contigo” e levámola aos enfermos da parroquia. Infórmate sobre o grupo de Pastoral da Saúde.
- Buscamos ideas para o momento do perdón e da paz.
- Realizamos un powerpoint sobre Xesús médico e as súas

Que estás disposto a facer?

LECTURAS

- **XOB 7, 1-4. 6-7: Fártome de dar voltas ata a alba.**

Xob falou dicindo: «Non é seica milicia a vida do home sobre a terra, e os seus días como os dun xornaleiro?; como o escravo, suspira pola sombra; como o xornaleiro, agarda o seu salario. A miña herdanza foron meses baldíos, asignáronme noites de fatiga. Ao deitarme penso: Cando me ergueri? Fáiseme eterna a noite e fártome de dar voltas ata a alba. Corren os meus días máis que a lanzadeira, vanse consumindo faltos de esperanza. Recorda que a miña vida é un sopro, que os meus ollos non verán máis a dita». *Palabra do Señor.*

- **SALMO 146: R/. Loade ao Señor, que sanda os corazóns esnaquizados.**

- **I CORINTIOS 9, 16-19. 22-23: Ai de min se non anuncio o Evanxeo.**

Irmáns: O feito de predicar non é para min motivo de orgullo. Non teño máis remedio e, ai de min se non anuncio o Evanxeo! Se eu o fixese polo meu propio gusto, iso mesmo sería a miña paga. Pero, se o fago a pesar meu, é que me encargaron este oficio. Entón, cal é a paga? Precisamente dar a coñecer o Evanxeo, anunciándoo de balde, sen usar o dereito que me dá a predicación do Evanxeo. Porque, sendo libre como son, fíxenme escravo de todos para gañar os máis posibles. Fíxenme débil cos débiles, para gañar os débiles; fíxenme todo para todos, para gañar, sexa como sexa, a algúns. E todo o fago por causa do Evanxeo, para participar eu tamén dos seus bens. *Palabra do Señor.*

- **MARCOS 1, 29-39: Curou moitos enfermos de diversos males.**

Narrador: Naquel tempo, ao saír Xesús da sinagoga, foi con Santiago e Xoán á casa de Simón e Andrés. A sogra de Simón estaba na cama con febre, e inmediatamente faláronlle dela. El achegouse, colleuna da man e ergueuna. Pasóuselle a febre e púxose a servilos. Á noitiña, cando se puxo o sol, leváronlle todos os enfermos e endemoñados. A poboación enteira amoreábase á porta. Curou moitos enfermos de diversos males e expulsou moitos demos; e como os demos coñecían, non lles permitía falar. Ergueuse madrugada, cando aínda estaba moi escuro, marchouse a un lugar solitario e alí púxose a orar. Simón e os seus compañeiros foron na súa busca e, ao atopalo, dixéronlle:

Simón: -«**Todo o mundo te busca**».

Narrador: El respóndelles:

Xesús: -«**Vámonos a outra parte, ás aldeas próximas, para predicar tamén alí; que para iso saín**».

Narrador: Así percorreu toda Galilea, predicando nas súas sinagogas e expulsando os demos.

Palabra do Señor.

(Narrador-Simón-Xesús).

